

Regolamënt de revijiun

La revista *Ladinia* á adoté n sistem cun na revijiun anonima dopla, che ó dí che i revisurs y i auturs ne vëgn nia alsavëi l'un dl ater tratan dōta la prozedōra. Dūc i manoscric che vëgn mená ite por gní publicá tla revista *Ladinia* vëgn revijioná aladō dla prozedōra spligada ti paragrafs chiló dessot.

Prōma valutaziun

Le Comité de redaziun fej na prōma valutaziun dl manoscrit. I manoscric che ne toma nia ite tl ciamp y pro i fins dla revista gnará bele atira stlūc fora. Chi che toma ite tl ciamp d'interes dla revista vëgn mená inant a dui esperc che fej spo na revijiun y dá jō na relaziun.

Coche i revisurs vëgn chiris fora

I revisurs di manoscric vëgn chiris fora aladō de sū ciamps de competēza specifica.

Relaziuns di revisurs

I revisurs á le dovëi da valuté l'originalité dl manoscrit, sc'al vá bun dal punt d'odūda dla metoda d'inrescida, sce i resultac vëgn presentá te na manira tlera y sc'ai sostëgn tla dërta manira les conclujions y sce le scrit contëgn novités assá en confront ai laurs bele publicá. I revisurs consiëia le Comité de redaziun che tol spo la dezijiun finala, da azeté o da n'azeté nia l'articul.

Dorada dla revijiun

Le tēmp odū dant por la prozedōra de revijiun depënn dala resposta di revisurs. De regola pó la revijiun doré zirca 4 edemes. Tl caje che les relaziuns di revisurs foss en contrast òna cun l'atra, pó gní damané l'arat de n terzo revisur.

La dezijiun dl Comité de redaziun ti gnará comunicada al autur adōm cun les postes di revisurs.

I manoscric che ti vëgn indō mená ai auturs vëgn dá zoruch do ch'ai á lauré ite les coreziuns y/o mudaziuns damanades dai revisurs. Pro i articui mēssel gní injunté na spligaziun de coche les postes di revisurs é gnūdes tignides en conscidraziun. I manoscric lauré jō danū ti vëgn spo ciamó n iade mená ai revisurs por na valutaziun nōia. Chēsta prozedōra pó gní fata deplū iadi, cina ch'al vëgn tut la dezijiun definitiva.

Dezijiun definitiva

N iade ch'an á arjunt n arat definitiv sōn n manoscrit, ti vëgnel comuniché al autur la dezijiun definitiva da azeté o da n'azeté nia le manoscrit.

Detlaraziun sōn l'adoranza dl'inteliēza artificizala

Cun le dé jō so contribut por la publicaziun tla revista *Ladinia* detlarëia l'autur o l'auturia, tl respet dles regoles etiches odūdes dant por la redaziun y publicaziun de articui scientifics,

che èl o èra n'á adoré degöna forma de inteliënza artifiziala, dantadöt por ci che á da nen fá cun i contignüs dl test y la bibliografia. Vignun y vignöna detlarëia implü de n'avëi nia adoré l'inteliënza artifiziala da abiné adöm y analisé dac, da realisé imajes o elemënc grafics.